



# Suliffigissaaneq pillugu siunnersuisoqatigiit Det grønlandske Arbejdsmiljøråd

## 2012 Ukiumoortumik nalunaarusiaq

### Tunuliaqutaq

Beskæftigelsesministeriap nalunaarutaani nr. 1048, 26. Oktobari 2005-imeersoq malillugu, Kalaallit Nunaanni sulinermi avatangiisit pillugit inatsit naapertorlugu Kalaallit Nunaanni Suliffigissaaneq pillugu Siunnersuisoqatigiit pilersinneqassapput. Kalaallit Nunaanni Suliffigissaaneq pillugu Siunnersuisoqatigeqarnerup siunertaraa inuussutissarsiornermi illuatungeriit tamaasa sullivinni avatangiisit peqqinnartut isumannaatsullu pilersissallugit suliniarnermi peqataatissallugit.

### Siunnersuisoqatigiit katitigaanerat

Siulittaasoq	Ivalo Egede
SIK	Beathe Hendriksen
SIK	Jokum Zeeb
PIP, PK og IMAK	Lisbeth Frederiksen (næstformand for rådet)
AK og ASG i fællesskab	Aviaja Rohmann Pedersen
SSK	Gerth Lundblad
GA	Karsten Klausen
KANUKOKA	Erna Thomsen
Namminersorlutik Oqartussat	Kattie Lundgaard Pedersen (ataats. pingajuanniit) Flemming Enequist (ataats. Siulliit marluk)
<b>Nakkutilliisoqarfimmiit</b>	
Nakkutilliisoqarfik	Jens Jensen
Nakkutilliisoqarfik	Jesper Labansen

### Ukioq qaangiuttoq naatsumik

Ukioq 2012-mi "Sullivinni avatangiisigissaarnerpaaq"-mik toqqaanissaq siunertaralugu Suliffigissaaneq pillugu Siunnersuisoqatigiit unammisitsineranni ulloq 4. April 2012 ajugaasumik toqqaasoqarpoq. Inuplan A/S ajugaasutut toqqaarpoq. Ajugaasumik akissarsisitsinermi ataatsimiitsitaliap siulittaasua Ivalo Egede ilaatigut ima oqaaseqarpoq: "Ukioq manna sullivik 'Ukiumi 2012-mi Sullivinni Avatangiisigissaarnerpaaq' nersornaaserneqartoq suliffeqarfiuvoq immikkuullarissaq, unammisitsinnermi peqataasunit allanut sanilliullugu immikkut malugisariaqartoq. Suliffeqarfimmi pineqartumi apeqqutini immersugassani akissutigineqartuni qaffasinnerpaamik pointinnassimallunillu sulisunit sullivitsik pillugu pitsaasunik oqaaseqaateqartoqarnerpaavoq".

2012-mi Ukioq 2012-mi Suliffigissaaneq pillugu Siunnersuisoqatigiit ukiut aappassaa tulleriissillugit ”Sullivinni avatangiisigissaarnerpaaq”-mik unammisitsinissaq nittarsaappaat, peqataanissamut ulloq 30. September 2013 kingusinnerpaamik nalunaarfissanngorlugu. 2013-mi sullivinni tarnikkut atukkat kingumut qulequtarineqaqqissaaq, tassani suliffeqarfinni sulisut, sulliviminni tarnikkut atukkatik pillugit immersugassamut immersuisissallutik. Siunnersuisoqatigiit 2012-p naalernerani paasisitsiniaanermik ingerlatsipput tassani siunnerfigineqarluni ”Ukioq manna Sullivinni avatangiisigissaarnerpaaq”-mik toqqaanissap maluginiarneqarnissaa annertusarniarlugu aamma ukiup siuliani Siunnersuisoqatigiit nittartakkakut [www.ilorraallak.gl](http://www.ilorraallak.gl)-kut uippakajaaneq ilorrisimaarnerlu pillugit paasisitsiniutigisimasaata kingumut nittarsaateqqinneqarnissaat.

Sullivinni avatangiisit pillugit ilinniartitaaneq inatsisikkut pisussaaffiusoq pillugu 2012-mi Kalaallit Nunaanni 15-neriarlugu pikkorissaassutigineqarpoq, pikkorissartunit 242-nit peqataaffigineqartunik.

## **Siunnersuisoqatigiit ataatsimiinnissaat**

### **Siunnersuisoqatigiit 2012-mi pingasoriarlutik ataatsimiipput:**

- Ataatsimiinneq nr. 1 den 14. marts.
- Ataatsimiinneq nr. 2 den 22. august.
- Ataatsimiinneq nr. 3 den 14. november.

## **Innersuussutit & tusarniaassutit**

Kalaallit Nunaanni sullivinni avatangiisit pillugit inatsimmut allannguutissatut siunnersuummut tunngatillugu nalunaarutitaasa pingasut tusarniutigineqarneri pillugit Siunnersuisoqatigiit 2012-mi akissuteqaateqarput.

## **jf. §64 Sullivinni avatangiisit pillugit inatsit naapertorlugu maalaarutinik suliaqarneq**

2012-mi Suliffigissaaneq pillugu siunnersuisoqatigiinnut maalaarutinik tunniussisoqarsimangilaq.

## **Sammisat allat**

Ataatsimiitsitaliap pingasoriarluni ataatsimiissimanerata saniatigut tuaviortunik suligasuartittagaq Suliffigissaaneq pillugu siunnersuisoqatigiit ataanni inissisimasoq ”Ukioq manna Sullivik avatangiisigissaarnerpaaq pillugu” unammisitsinermut tunngatillugu aamma paasisutissiissutissatut suliniutigineqartunut Ataatsimiitsitaliap aningaasaliissutaanik suliaqarnermut tunngatillugu arlaleriaqaluni ataatsimiittarsimavoq.

## **Ataatsimiitsitaliap aningaasaqarnera**

Suliffigissaaneq pillugu siunnersuisoqatigiit qallunaat aningaasanut inatsisaat aqqutigalugu aningaasalersugaavoq, 2012-mi 300.000 kr.-iuvoq. Ukiumoortumik naatsorsuutit naammassineranni aningaasaliissutinit kr. 286.487,- atorneqarsimapput.

Ulloq 13. marts, 2013 Suliffigissaaneq pillugu siunnersuisoqatigiit ataatsimiinneranni akuarsissutigineqarput.

---

Ivalo Egede, siulittaasoq